

國文選科選讀

戊戌組

論語選讀

第二冊



私立中華書局函授學校
上海澳門路
四六九號

此書有著作權翻印必究

論語選讀第二冊 目錄

一 論仁智勇

二 論孝

三 論禮樂

四 論詩

(問題二)

五 論君子

六 論君子與小人

七 論政

八 論自省

九 論觀人


(問題四)

(試驗題)

上海圖書館藏書



A541 212 0008 75968



一七

二〇

二一

二二

二四

二四

二六

二七

三〇

三一

三一

三一

論語選讀 第二冊

一 論仁智勇

子曰：「人而不仁，如禮何？人而不仁，如樂何？」^(二)

子曰：「里仁爲美，擇不處仁，焉得知？」^(三)

子曰：「惟仁者能好人，能惡人。」^(四)

子曰：「富與貴，是人之所欲也；不以其道得之，不處也。貧與賤，是人之所惡也；不以其道得之，不去也。」^(五)君子去仁，惡乎成名！^(六)君子無終食之間，^(七)違仁；造次必於是，顛沛必於是。」^(七)

宰我問曰：「仁者雖告之曰：『井有仁焉。』其從之也？」^(八)子曰：「何爲其然也？」^(九)君子可逝也，不可陷也；^(十)可欺也，不可罔也。」^(十)

子貢曰：「如有博施於民而能濟衆，何如可謂仁乎？」^(十一)子曰：「何事於仁！必也聖乎！堯舜其猶病諸！」^(十二)夫仁者，己欲立而立人，己欲達而達人；能近取譬，可謂仁之方也已。」^(十三)

顏淵問仁，子曰：「克己復禮爲仁；（二二）一日克己復禮，天下歸仁焉。（二三）爲仁由己，而由人乎哉？」顏淵曰：「請問其目？」子曰：「非禮勿視，非禮勿聽，非禮勿言，非禮勿動。」顏淵曰：「回雖不敏，請事斯語矣！」（二四）

仲弓問仁，子曰：「出門如見大賓，使民如承大祭；（二五）己所不欲，勿施於人；在邦無怨，在家無怨。」（二六）仲弓曰：「雍雖不敏，請事斯語矣。」

司馬牛問仁，子曰：「仁者其言也訥。」（二七）曰：「其言也訥，斯謂之仁矣乎？」子曰：「爲之難，言之得無訥乎？」（二八）

樊遲問仁，子曰：「愛人。」問知，子曰：「知人。」樊遲未達，子曰：「舉直錯諸枉，能使枉者直。」（二九）樊遲退，見子夏曰：「鄉也，吾見於夫子而問知，子曰：『舉直錯諸枉，能使枉者直。』何謂也？」子夏曰：「富哉言乎！舜有天下，選於衆，舉臯陶，不仁者遠矣；湯有天下，選於衆，舉伊尹，不仁者遠矣。」（三〇）

樊遲問仁，子曰：「居處恭，執事敬，與人忠，雖之夷狄，不可棄也。」（三一）

子張問仁於孔子，孔子曰：「能行五者於天下，爲仁矣！」請問之，（三二）曰：「恭、寬、

信、敏、惠、恭則不侮；^①寬則得衆；^②信則人任焉；^③敏則有功；^④惠則足以使人。^⑤

子曰：「不仁者，不可以久處約，^⑥不可以長處樂；仁者安仁，知者利仁。」^⑦

樊遲問知，子曰：「務民之義，^⑧敬鬼神而遠之，可謂知矣。」問仁，曰：「仁者先

難而後獲，^⑨可謂仁矣！」

子曰：「知者樂水，仁者樂山；知者動，仁者靜；知者樂，仁者壽。」

子曰：「知者不惑；仁者不憂；勇者不懼。」

子曰：「知及之，仁不能守之，^⑩雖得之，必失之；知及之，仁能守之，不莊以涖之，^⑪則民不敬；知及之，仁能守之，莊以涖之，動之不以禮，未善也。」

(一) 意謂禮與樂，皆以仁爲本。(二) 里，居里，知，同智。(三) 所好，所惡，無不合也。(四) 不得其去之

道，則終於貧賤也。(五) 惟其能仁，所以稱君子。(六) 一飯之時。(七) 造次，急遽苟且之時。顛沛，傾

覆流離之際。(八) 從之下井也。(九) 逝，謂使之往救；陷，謂自陷入井。(一〇) 欺，謂欺以理之所有；

罔，謂昧以理之所無？(一一) 何事，如云何止。意謂雖堯舜，尙病不及也。(一二) 近取諸己，譬之人，已

足爲仁之方，不必好高務遠也。(一三) 克己之私欲，循禮之節文。(一四) 天下皆推之爲仁人也。

- (二五)願實行孔子之語。(二六)極其恭敬。(一七)在國在家，均無怨己者。(一八)初音忍，難也。
(一九)意在能實行，故不以言語答之。(二〇)錯置也。枉，曲也。(二一)舉兩事以釋孔子之意。
(二二)不可離也。(二三)子張請問其說。(二四)不侮人，人亦不侮己。(二五)得衆人的信服。
(二六)任用。(二七)成功。(二八)人樂爲之用。(二九)如言落薄。(三〇)智者見利而後仁。
(三一)從衆人之所是。(三二)獲謂得仁。(三三)及，獲得也。(三四)泣，臨也。

二 論孝

子曰：「父在觀其志，父沒觀其行，三年無改於父之道，可謂孝矣。」

孟懿子問孝，子曰：「無違。」(一)樊遲御，子告之曰：「孟孫問孝於我，我對曰：『無違。』」(二)樊遲曰：「何謂也？」子曰：「生事之以禮，死葬之以禮，祭之以禮。」

孟武伯問孝，子曰：「父母，唯其疾之憂。」(三)

子游問孝，子曰：「今之孝者，是謂能養；(四)至於犬馬，皆能有養，不敬，何以別乎？」(五)

子夏問孝，子曰：「色難；(六)有事，弟子服其勞，有酒食，先生饌，(七)曾是以爲孝

乎？」^(七)

子曰：「事父母，幾諫，^(八)見志不從，又敬不違，勞而不怨。」

子曰：「父母在，不遠遊，遊必有方。」^(九)

子曰：「父母之年，不可不知也；一則以喜，一則以懼。」^(一〇)

(一)無背於理。(二)常恐其有疾病，而以爲憂也。(三)衣食之供給。(四)意謂衣食之外，當加之
以敬。(五)事父母，顏色和順最難。(六)先生，父兄也。饌，飲食之也。(七)曾是，如云怎得。(八)幾，
微也；諫，勸也。(九)必有固定場所。(一〇)喜其壽，懼其衰。

三 論禮樂

子曰：「先進於禮樂，野人也；後進於禮樂，君子也；如用之，則吾從先進。」

子曰：「禮云禮云，玉帛云乎哉？樂云樂云，鐘鼓云乎哉？」^(一)

林放問禮之本，子曰：「大哉問禮，與其奢也，寧儉；喪，與其易也，寧戚。」^(二)

子貢欲去告朔之餼羊，^(三)子曰：「賜也！爾愛其羊，我愛其禮。」

子曰：「恭而無禮，則勞；^(四)慎而無禮，則蕙；^(五)勇而無禮，則亂；直而無禮，則絞。」^(六)

子曰：「上好禮，則民易使也。」

子語魯大師樂曰：「樂其可知也；始作，翕如也；^(七)從之，純如也；^(八)皦如也；^(九)繹如也，以成。」^(九)

子謂：「韶，盡美矣，又盡善也；」^(一〇)謂：「武，^(一一)盡美矣，未盡善也。」

子曰：「師摯之始，^(一二)關雎之亂，^(一三)洋洋乎盈耳哉！」^(一四)

(一) 意謂玉帛鐘鼓，皆禮之形式而非其精神。(二) 易，治也；如今大出喪之類。(三) 告朔，古時天子頒曆書於諸侯；諸侯受而藏之於祖廟；每月朔日，請而行之。餼羊，生羊；告朔時所用。魯自文公時，已不視朔，而大夫猶供此羊，故子貢欲去之。(四) 太勞苦。(五) 音喜，畏懼貌。(六) 急切也。(七) 翕，合也。(八) 從，放也；純，和也。(九) 皦，明也；繹，相續不絕也。(一〇) 韶，舜樂；美者，聲容之盛；善者，美之實也。(一一) 武，周武王之樂。(一二) 師摯，魯樂師之始，謂所奏之第一曲。(一三) 關雎，詩經第一篇名；亂，樂之卒章也。(一四) 洋洋，美盛意。

四 論詩

子貢曰：「貧而無詔，^(一)富而無驕，何如？」子曰：「可也，未若貧而樂，^(二)富而好

禮者也。」子貢曰：「詩云：『如切如磋，如琢如磨。』其斯之謂與？」(三)子曰：「賜也，始可與言詩已矣！告諸往，而知來者。」

子曰：「詩三百，一言以蔽之，曰：思無邪。」

子夏問曰：「『巧笑倩兮，美目盼兮，素以爲絢兮，』何謂也？」(四)子曰：「繪事後素。」(五)曰：「禮後乎？」(六)子曰：「起予者商也！始可與言詩已矣。」

子曰：「關雎樂而不淫，哀而不傷。」

「唐棣之華，偏其反而，豈不爾思？室是遠而！」(八)子曰：「未之思也，夫何遠之有？」

子曰：「誦詩三百，授之以政，不達；(九)使於四方，不能專對；(一〇)雖多，亦奚以爲？」
子曰：「小子何莫學夫詩？詩可以興；(一一)可以觀；(一二)可以羣；(一三)可以怨；(一四)邇之事父，遠之事君，多識於鳥獸草木之名。」

子謂伯魚曰：「女爲周南召南矣乎？(一五)人而不爲周南召南，其猶正牆面而立也與！」(一六)

- (一)卑屈也。(二)樂道也。(三)二句見詩衛風淇澳篇；意謂更進一層。(四)三句，古逸詩。情，而歷酒渦也；盼，目黑白分也；素，白質也；絢，采色也；言人之美，必先有美質，而後加以裝飾也。(五)繪之事，在於有素地之後。(六)意謂禮文之於人，亦猶之裝飾，豈亦可後者乎。(七)起予，謂能啓我之心思。(八)古逸詩。偏同翻；反同翻；而，語助詞。上二句無意義，但用以興起下文。(九)不通。(一〇)專對，如言長於應對。(一一)感發志意。(一二)考見得失。(一三)和而不流。(一四)怨而不怒。(一五)詩國風之首篇。(一六)意謂一物不能見，一步不能行。

問題三

9. 「井有仁焉」是什麼意思？
10. 「仁者不憂」是什麼緣故？
11. 事父母之道，經孔子說過的，可總括爲那幾點？
12. 孔子對於禮樂的見解是怎樣？
13. 正牆面而立，是什麼情況？

五 論君子

子貢問君子，子曰：「先行其言，而後從之。」^(一)

子曰：「君子之於天下也，無適也，爲莫也，義之與比。」^(二)

子曰：「君子欲訥於言，而敏於行。」^(三)

子曰：「聖人吾不得而見之矣，得見君子者，斯可矣！」

子曰：「質勝文則野；^(四)文勝質則史；^(五)文質彬彬然後君子。」

司馬牛問君子，子曰：「君子不憂不懼。」曰：「不憂不懼，斯謂之君子矣乎？」

子曰：「內省不疚，^(六)夫何憂何懼？」

子路問君子，子曰：「修己以敬。」曰：「如斯而已乎？」曰：「修己以安人。」曰：

「如斯而已乎？」曰：「修己以安百姓，修己以安百姓，堯舜其猶病諸。」

子曰：「君子，義以爲質，^(七)禮以行之，孫以出之，^(八)信以成之，君子哉！」

子曰：「君子謀道不謀食；耕也，餒在其中矣；學也，祿在其中矣；君子憂道不憂

貧。」

孔子曰：「君子有三戒：少之時，血氣未定，戒之在色；及其壯也，血氣方剛，戒之

在鬥；及其老也，血氣既衰，戒之在得。」^(九)

孔子曰：「君子有九思：視思明；聽思聰；色思溫；貌思恭；言思忠；事思敬；疑思問；

忿思難；見得思義。」

(一)意謂做了再說。(二)適，專主一種，積極的主張也；莫，凡事否定，消極的主張也。比，從也。(三)言

不出口謂之訥。敏，捷也。(四)如野人。(五)掌文書謂之史，其誠不足也。(六)疚，自愧。(七)質，本質。(八)孫同遜。(九)得於貨財。

六 論君子與小人

子曰：「君子周而不比；(一)小人比而不周。」

子曰：「君子懷德，小人懷土；(二)君子懷刑，小人懷惠。」(三)

子曰：「君子喻於義，小人喻於利。」(四)

子曰：「君子坦蕩蕩，小人長戚戚。」(五)

子曰：「君子成人之美，不成人之惡，小人反是。」

子曰：「君子和而不同，小人同而不和。」(六)

子曰：「君子易事而難說也。(七)說之不以道，不說也；及其使人也，器之。(八)小人

難事而易說也，說之雖不以道，說也；及其使人也，求備焉。」(九)

子曰：「君子泰而不驕，小人驕而不泰。」

子曰：「君子而不仁者有矣夫！未有小人而仁者也。」

子曰：「君子求諸己；小人求諸人。」

子曰：「君子不可小知，而可大受也；小人不可大受，而可小知也。」

(一)周，普遍也。比，朋比也。(二)土，謂蕩其所處之安。(三)人與以恩惠。(四)喻，猶曉也。(五)坦，

平也。蕩蕩，寬廣貌。戚戚，憂愁貌。(六)和者，無乖戾之心；同者，有阿比之意。(七)說，同悅。(八)謂隨

其材器而使之。(九)求全責備。(一〇)知，我知之也；受，彼所受之也。

七 論政

子曰：「道千乘之國，(一)敬事而信，節用而愛人，使民以時。」

子曰：「道之以政，齊之以刑，民免而無恥；(二)道之以德，齊之以禮，有恥且格。」(三)

哀公問曰：「何爲則民服？」孔子對曰：「舉直錯諸枉，(四)則民服；舉枉錯諸直，

則民不服。」

季康子問：「使民敬、忠、以勸，(五)如之何？」子曰：「臨之以莊則敬；孝慈則忠；舉

善而教不能，則勸。」

子貢問政，子曰：「足食，足兵，民信之矣！」(六)子貢曰：「必不得已而去，於斯三

者何先？」曰：「去兵。」子貢曰：「必不得已而去，於斯二者何先？」曰：「去食；自古皆有死，民無信不立。」

子張問政，子曰：「居之無倦，行之以忠。」〔七〕

季康子問政於孔子，孔子對曰：「政者，正也；子帥以正，孰敢不正？」

季康子患盜，問於孔子，孔子對曰：「苟子之不欲，雖賞之不竊。」

季康子問政於孔子曰：「如殺無道，以就有道何如？」孔子對曰：「子爲政，焉

用殺？子欲善，而民善矣！君子之德風，小人之德草，草上之風必偃。」〔九〕

子路問政，子曰：「先之勞之。」請益，曰：「無倦。」

仲弓爲季氏宰，問政，子曰：「先有司，赦小過，舉賢才。」曰：「焉知賢才而

舉之？」曰：「舉爾所知，爾所不知，人其舍諸？」

子路曰：「衛君待子而爲政，子將奚先？」子曰：「必也正名乎！」子路曰：「

有是哉！子之迂也！奚其正？」子曰：「野哉由也！君子於其所不知，蓋闕如也。」名

不正，則言不順；言不順，則事不成；事不成，則禮樂不興；禮樂不興，則刑罰不中；刑罰

不中，則民無所措手足。^(七)故君子名之必可言也，言之必可行也，君子於其言，無所苟而已矣。」

子曰：「其身正，不令而行；其身不正，雖令不從。」

子適衛，冉有僕。^(八)子曰：「庶矣哉！」^(九)冉有曰：「既庶矣，又何加焉？」曰：「富之。」曰：「既富矣，又何加焉？」曰：「教之。」

定公問：「一言而可以興邦，有諸？」^(一〇)孔子對曰：「言不可以若是其幾也！」^(一一)人之言曰：『爲君難，爲臣不易。』如知爲君之難也，不幾乎一言而興邦乎？」曰：「一言而喪邦，有諸？」孔子對曰：「言不可以若是其幾也！」人之言曰：『予無樂乎爲君，唯其言而莫予違也。』^(一二)如其善而莫之違也，不亦善乎！如不善而莫之違也，不幾乎一言而喪邦乎？」

子夏爲莒父宰，問政。子曰：「無欲速，無見小利；欲速則不達，見小利則大事不成。」

(一)道，治也。乘，兵車一輛。
(二)免於刑罰，而不知恥。
(三)格，格降其心之非也。
(四)錯，置也。

五) 以同及勸，謂勸善。(六) 意謂三者而已。(七) 居之，謂修己行之，謂對人。(八) 帥，表率也。正己也。(九) 仆伏也。(一〇) 遇勞作，則以身爲之先。(一一) 仲弓爲季氏家臣。(一二) 先有司，謂遇事以身先諸有司。(一三) 舍，棄也。(一四) 奚，何也。(一五) 這樣的嗎！你真厭了。(一六) 闕如，謂不知則不言。(一七) 措，置也。(一八) 爲御。(一九) 人民衆多也。(二〇) 有這般的事嗎？(二一) 幾期也；意謂有則有之，而未可以期其必效也。(二二) 意謂所樂於爲君者，乃在其言之莫敢違也。

八 論自省

子曰：「不患人之不知，患不知人也。」

子曰：「不患無位，患所以立；不患莫己知，求爲可知也。」^(一)

子曰：「見賢思齊焉；見不賢，而內自省也。」

子曰：「已矣乎！吾未見能見其過，而內自訟者也。」^(二)

子曰：「不患人之不知，患其不能也。」

子曰：「躬自厚而薄責於人，則遠怨矣。」^(三)

(一)求所以知之之法而行之也。(二)思與之齊也。(三)訟責也。(四)如云怨自遠矣。

(天)

九 論觀人

子曰：「視其所以，^(一)觀其所由，^(二)察其所安，^(三)人焉廋哉？人焉廋哉？」^(四)

子曰：「居上不寬，爲禮不敬，臨喪不哀，吾何以觀之哉？」^(五)

子曰：「如有周公之才之美，使驕且吝，其餘不足觀也已！」

子曰：「狂而不直，^(六)侗而不愿，^(七)慳慳而不信，^(八)吾不知之矣！」^(九)

子曰：「歲寒然後知松柏之後彫也。」^(一〇)

子曰：「論篤是與，^(一一)君子者乎？色莊者乎？」

子張問明，^(一二)子曰：「浸潤之譖，膚受之愬，^(一三)不行焉，可謂明也已矣！浸潤之譖，

膚受之愬，不行焉，可謂遠也已矣！」

子貢問曰：「鄉人皆好之，何如？」子曰：「未可也！」「鄉人皆惡之，何如？」子

曰：「未可也！不如鄉人之善者好之，其不善者惡之。」

子曰：「衆惡之，必察焉；衆好之，必察焉。」^(一四)

(一)以爲也。(二)所由爲也。(三)其習慣。(四)度，匿也。(五)無以觀其所行之得失。(六)狂者必直。(七)侗，無知貌；愿，謹厚貌。(八)慳慳，無知貌。(九)意謂不解也。(一〇)意謂觀人，必於患難時知之也。(一一)因其議論之篤實而與之。(一二)知人之明。(一三)浸潤，如水之浸灌滋潤，漸漬而不驟也；譖，讒言也。膚受，如言切膚；懇同訴。(一四)詳察其當否也。

問題四

14. 君子的最高目標是什麼？ 15. 泰和驕有什麼分別？ 16. 孔子論當政的，最先該從什麼事着手？ 17. 孔子論政有庶、富、教三字，可比做現代的什麼話？ 18. 孔子對於「服從多數」的意見是怎樣？

試驗題

1. 孔子與長沮、桀溺、荷蓀丈人……等人的態度，究竟誰對？ 2. 近世教育平等的主張及輔導自學的教育法，與孔子的主張有無相合之處？ 3. 孔子所說的「思」與「學」是怎樣的，不同有甚麼關係？ 4. 孔子爲甚麼不滿意「鄉愿」？ 5. 試就孔子所言君子小人之分，列成一表。 6. 孔子言治國的步驟該怎樣？ 7. 孔子對於用刑罰來使百姓不敢犯法做壞事，有甚麼意見？ 8. 孔子回答學生們的問話，往往因人而不同，實在有他的用意。試舉最顯明的例來說明這一層。

142567

上海图书馆藏书



A541 212 0008 7596B

標商冊註



I ~~4256~~ 7